

ՀԻՆ ՈՒ ՆՈՐ ՏՈՄԱՐՆԵՐԻ ՏԱՐԲԵՐՈՒԹՅՈՒՆԸ ԵՎ
ՀՈՎՀԱՆՆԵՍ ԹՈՒՄԱՏՅԱՆԻ ԾՆՆԴՅԱՆ ԱՍՍԱԹՎԻ ՀԱՐՑԸ
1910–1930-ԱԿԱՆ ԹՎԱԿԱՆՆԵՐԻՆ *

ՀԱՄՈՒ ՍՈՒՔԻԱՍՅԱՆ

Բանալի բառեր՝ Հովհաննես Թումանյան, Նվարդ Թումանյան, Թիֆլիս, Երևան, հորելյան, Հովհաննես Գրիգորյան տոմար, բանաստեղծ, կենսագրություն:

Հայտնի է, որ Հուլիս Կեսարի կողմից հաստատված օրացույցի (Հուլյան տոմար) գործածության ընթացքում առաջ եկած սխալն ուղղելու՝ ավելացած 10 օրվա տարբերությունը չեզոքացնելու նպատակով Հումի Գրիգորիոս XIII պապը 1582 թ. փետրվարի 24-ին հասուկ բուլլա (հրաման) հրապարակեց, որի համաձայն հոկտեմբերի 4-ին հաջորդող օր հայտարարվեց ոչ թե հոկտեմբերի 5-ը, այլ՝ 15-ը: Նոր տոմարը պապի անունից ստացավ “Գրիգորյան” անվանումը: Այդ թվականից սկսած՝ Եվրոպայի կաթոլիկ պետությունները մեկը մյուսի հետևից սկսեցին գործածել նոր տոմարը (կրոնական այլ ուղղությունների ներկայացուցիչներն այս հարցում որոշակի վերապահ մոտեցում ունեին): Հաջորդ տասնամյակներում ու հարյուրամյակներում նրանց հետևեցին տասնյակ երկրներ: Որոշ պետություններ Հուլյան տոմարից հրաժարվեցին միայն XX դ.: Այս ընթացքում Հուլյան (հին) և Գրիգորյան (նոր) տոմարների միջև եղած տարբերությունը հասավ մինչև 13 օրվա: Այսպէս՝ եթե XVI–XVII դդ. երկու օրացույցների տարբերությունը 10 օր էր, ապա XVIII դ. դարձավ մինչև 11 օր, XIX դ.՝ մինչև 12 օր, XX դ.՝ մինչև 13 օր, իսկ XXII դ.՝ կդառնա մինչև 14 օր:

Խորհրդային Ռուսաստանում Գրիգորյան տումարը գործածության մեջ դրվեց 1918 թ. փետրվարի 14-ից, իսկ Ռուսական կայսրության երրեսմնի մաս Անդրկովկասում՝ մայիսի 1-ից: Երկրամասի օրենսդիր մարմնի՝ Անդրկովկասայան սեյմի ապրիլի 13-ի նիստում քննարկվեց կառավարության առաջարկը՝ շտագ կարգով հաստատել նոր տումարին անցնելու մասին Ներքին գործերի նախարարության ներկայացրած օրինագիծը: Հիմնական գեկուցողը սեյմի անդամ, իրավաբան Գ-

* Հնդունվել է սպազրության 04. VI. 2019 թ.: Գրախոսվել է
19. VI. 2019թ.

¹ ↗ U. Բաղդաջնի. Օրացույցի պատմություն, Երևան, 1970, էջ 160–168, և Ա. Սելեշնիկօվ. Իстория календаря и хронология. М., 1977, с. 69–75.

ևորդ Խատիսյանն էր (բանաստեղծ Հովհաննես Թումանյանի փեսան): Առաջարկն առանց Էական ընդդիմության ընդունվեց, որով գործող Հույյան տումարի փոխարքն Անդրկովկասի տարածքում անցում կատարվեց Գրիգորյան տումարին. ապրիլի 17-ի, զիշերվա ժամը 12.00-ին հաջորդող օր համարվեց ոչ թե ապրիլի 18-ը, այլ՝ մայիսի 1-ը²: Անդրկովկասյան կառավարության Ներքին գործերի նախարար Նոյ Ռամիշվիլու ստորագրած “Անդրկովկասում նոր տումար մտցնելու մասին” օրենքը շրջաբերականի տեսքով ուղարկվեց Երկրամասի նահանգային կենտրոններ (այդ թվում՝ Երևան)³:

Փաստորեն, Հայաստանի տարածքում ևս 1918 թ. անցում կատարվեց նոր՝ Գրիգորյան տումարին: Չնայած այս ակնհայտ հանգամանքին՝ հայկական խորհրդային հանրագիտարանում նշված է, որ Հայաստանում նոր տումարին անցումը տեղի է ունեցել “սովետական կարգեր հաստատվելուց հետո”⁴: Այս սխալը տեղ է գտել նաև “Վիքիպեդիա”-ի հայկական տարբերակում⁵:

Անդրկովկասի ողջ տարածքում նոր տումարին անցումը միաժամանակ չկատարվեց: Եթե անդրկովկասյան պետությունների մայրաքաղաքներում (Թիֆլիս, Բաքու, Երևան) շատ արագ գործածության մեջ մտավ նոր տումարը, ապա որոշ ծայրագավառներում (այդ թվում՝ Սյունիքում և Արցախում) դեռևս շարունակում էին գործածել հին տումարը, որոշները իրար հետ շփոթում էին հինն ու նորը: Համապատասխան մասնագետների բացակայության պատճառով Անդրկովկասում տումարական մասնագիտական հաշվարկներ չէին կատարվում, թույլ էր նաև Եվրոպայի հետ կապը՝ գոյություն ունեցող հաշվումներին ծանոթանալու համար: Այս ամենի հետևանքով հանրային լայն շրջանակներին հայտնի չէր, որ բոլոր դեպքերում չէ որ անհրաժեշտ է հին և նոր տումարների տարբերությունը 13 օր համարել: Եթե XX դ. առաջին երկու տասնամյակներում տեղի ունեցած իրադարձությունները նոր տումարով թվագրելիս տարակարծություն չէր լինում (հայտնի էր, որ անհրաժեշտ է ընդամենը 13 օր ավելացնել), ապա 1900 թ. նախորդած իրա-

² Закавказский сейм. Стенографический отчетъ (сессия первая, заседание двадцать пятое, 13-го апреля), Тифлис, 1918, с. 30–34; “Մշակ” (Թիֆլիս), 15. IV. 1918:

³ Հայաստանի ազգային արխիվ (այսուհետև՝ ՀԱԱ), ֆ. 203, գ. 1, գ. 28, թ. 3:

⁴ Հայկական սովետական հանրագիտարան, հ. 12, Երևան, 1986, էջ 53:

⁵ <https://hy.wikipedia.org/wiki/%D4%B3%D6%80%D5%AB%D5%A3%D5%B8%D6%80%D5%B5%D5%A1%D5%B6%D6%85%D6%80%D5%A1%D6%81%D5%B8%D6%82%D5%B5%D6%81> (այցելությունը՝ 29. 03. 2019 թ.):

⁶ Անդրկովկասում հրատարակվող հայկական հիմնական պարբերականները ևս մայիսի 1-ից (ապրիլի 18) սկսեցին գործածել Գրիգորյան տումարը: Ի դեպ, դեռևս մարտի 18-ի համարից Թիֆլիսի “Հորիզոն”-ը Հույյան տումարին գուգահեռ գործածում էր Գրիգորյան տումարը, իսկ արդեն մայիսի 1-ից լիարժեք անցավ վերջինին:

դարձությունների պարագան (այդ թվում՝ անհատների ծննդյան ամսաթվերի որշման հարցը) համեմատաբար խնդրահարույց էր: Նույնիսկ անդրկովկայան հանրապետությունների մայրաքաղաքներում (անզամ՝ Թիֆլիսում) հորելյանական իրադարձությունների տոմարական հաշվումներում սիսալներ էին թույլ տրվում: 12 օրվա փոխարեն հաճախ 13 օր էին գումարում: Այս իրողությունը վերաբերում է նաև Ամենայն հայոց բանաստեղծ Հովհաննես Թումանյանի 50-ամյակի տոնակատարություններին: Վերոհիշյալ փաստն ուշագրավ է նաև այն առումով, որ, ինչպես տեսանք, Անդրկովկայում նոր տոմար մտցնելու հարցում գործուն մասնակցություն էր ունեցել բանաստեղծի փեսան՝ Գ. Խատիսյանը, ով ենթադրելի է՝ տոմարական հաշվումների վերաբերյալ առավել տեղեկացված անձանցից պետք է լիներ: Սակայն նա 1919 թ. պաշտոնավարում էր Երևանում:

Հայ առաքելական եկեղեցու Վրաստանի և Իմերեթի Հայոց վիճակային կոնսիստորիայի Լոռու Դսեղ, Մարց և Քարինջ գյուղերի՝ 1869 թ. չափաբերական մատյանում արձանագրված է, որ Ասլան (հետագայում՝ Թաղեռու քահանա) և Սոնա Թումանյանների որդի Հովհաննեսը ծնվել է փետրվարի 7-ին, մկրտվել փետրվարի 15-ին (հասկանալի է, իին տոմարով): Կնքահայրն Արսեն Հովսեփյանն էր, մկրտության խորհուրդը կատարել էր Զաքարիա քահանա Եզանյանը⁷: Հստ այդմ՝ Հովհ. Թումանյանի ծննդյան օրը (իբրև XIX դ. տեղի ունեցած իրադարձություն) նոր տոմարով պետք է նշվեր փետրվարի 19-ին: Սակայն բանաստեղծի ծննդյան 50-ամյակը Թիֆլիսում, ուր բնակվում էր նա, տոնվել է փետրվարի 20-ին:

Հայտնի փաստ է, որ Ամենայն հայոց բանաստեղծը ծննդյան տարեդարձը նշելու սովորություն չի ունեցել: Ժամանակակիցներից իրավաբան, իրապարակախոս, “Զակավազսկое Слово” թերթի նախկին աշխատակից Վարդգես Ահարոնյանը հիշում է՝ թերթի խմբագրակազմի անդամ Մամիկոն Գևորգյանը մտապահելիս է եղել, որ 1919 թ. փետրվարի 20-ին լրանում է Հովհ. Թումանյանի 50-ամյակը: Հենց նա էլ առաջարկել է թերթի՝ այդ օրվա համարը նվիրել բանաստեղծի հորելյանին⁸: Պարբերականի՝ փետրվարի 20-ի համարի ծավալի շուրջ կեսը “Հովհաննես Թումանյան. ծննդյան 50-ամյակը (1869 – 7/20 փետրվարի 1919)” խորագրի ներքո նվիրված է բանաստեղծի հորելյանին: Այսեղ իրապարակումներ ունեն ուստի բանաստեղծ Սերգեյ Գորոդեցկին, վրացի գրող-իրապարակախոս Լեան Կիպիսինին, Վ. Ահարոնյանը⁹: Փաստորեն, կարելի է կարծել, որ Թումանյանի լավ բարե-

⁷ ՀԱԱ, ֆ. 53, ց. 5, զ. 3, թ. 24 շրջ.-25:

⁸ Վ. Ահարոննեան. Յովհաննես Թումանյան. մարդք եւ բաղաքացին, Բուստոն, 1936, էջ 159–160:

⁹ “Закавказское Слово” (Тифлис), 20. II. 1919. Տես նաև՝ А. Закарян. О праздновании 50-летия Ованеса Туманяна в Тифлисе – ИФЖ, 2019, № 1, с. 210–222.

կամ U. Գևորգյանը նրա ծննդյան տարեղարձը ոչ ճիշտ օր տոնելու ավանդույթի հիմնադիրներից է: Վերջինս մեկ տասնամյակ անց ընդգրկվեց նաև բանաստեղծի 60-ամյակը տոնող ՀԱԽՀ պետական հանձնաժողովի կազմում:

Ի դեպ, Թիֆլիսի հայկական թերթերից առնվազն երկուսը ևս իրենց փետրվարի 20-ի համարները նվիրել են Հովհաննես Այսպես՝ “Մշակ”-ի 1919 թ. փետրվարի 20-ի համարում (պարբերականի 4 էջից 3-ը նվիրված է բանաստեղծի մեծարմանը) գրված է: “Այսօր լրանում է յիսուն տարին այն մարդու, որի գլուխը վաղաժամ ալեհեր է դարձել, իսկ հոգին մնում է միշտ արի: Դա բանաստեղծ Յովիկ: Թումանեանն է, բանաստեղծ՝ առանց որակումների”: Իսկ թերթի հաջորդ փետրվարի 21-ի համարում մանրամասն տեղեկատվություն է հրատարակված բանաստեղծին նվիրված հորելյանական հանդեսների մասին¹⁰: Հավելենք, որ Թիֆլիսի “Ժողովրդի ձայն” թերթը ևս 1919 թ. փետրվարի 20-ի համարը գրեթե ամբողջովին նվիրել էր Հովհաննես Անդրկովկասի երբեմնի կենտրոն Թիֆլիսում այդ օրերին հայ մտավորականների շրջանում նույնիսկ կասկած չի եղել, որ 1869 թ. փետրվարի 7-ը նոր տոմարով պետք է լինի ոչ թե փետրվարի 20-ը, այլ՝ 19-ը:

Այսպիսով՝ միանշանակ է, որ Հովհաննես Օրոք՝ նրա 50-ամյակի օրերին, նոր տոմարով իր ծննդյան ամսաթիվ են համարել փետրվարի 20-ը: Ուստի բանաստեղծին ուղղված շնորհավորանքներն ու տոնական հանդեսները սկսվել են այդ օրը և շարունակվել հաջորդ ամիսներին:

1929 թ. Ամենայն հայոց բանաստեղծի 60-ամյակի տոնակատարությունների (արդեն՝ հետմահու) ժամանակ¹² ևս կարծես հարց չի առաջացել, թե զուցե՞նոր տոմարով փետրվարի 20-ը չէ նրա ծննդյան օրը: Ընդհակառակը, արխիվային փաստաթղթերի և պարբերական մամուլի ուսումնասիրությունից տեսնում ենք, որ նրա ծննդյան ամսաթիվ է համարվել փետրվարի 20-ը: Այսպես՝ գավառային լուսավորության բաժիններին ուղղված Խորհրդային Հայաստանի լուսավորության ժողկումատի սոցիալական դաստիարակության գլխավոր վարչության՝ 1929 թ. փետրվարի 5-ի և Երևանի դպրոցներին ուղղված քաղաքի լուսավորության բաժնի փետրվարի 18-ի շրջաբերականներում ուղղակի արձանագրվում էր, որ ժողովրդական մանկական գրող Հովհաննես Անդրկովկասի ծննդյան 60-ամյակը նոր տո-

¹⁰ “Մշակ”, 21. II. 1919:

¹¹ “Ժողովրդի ձայն” (Թիֆլիս), 20. II. 1919:

¹² Հովհաննես Անդրկովկասի ծննդյան 60-ամյա տարեղարձը կատարող պետական հանձնաժողովը՝ լուսժողկոմ Ասքանազ Մոավյանի ղեկավարությամբ, 1929 թ. հունվարի 19-ին որոշում էր կայացրել փետրվարի 19–26-ը համարել բանաստեղծի հիշատակին նվիրված հասուկ շաբաթ (տե՛ս ՀԱԽՀ, ֆ. 122, գ. 1, գ. 217, թ. 5 և շրջ.):

մարով լրանում է “սույն թվի փետրվարի 20-ին”¹³: “Խորհրդային Հայաստան” պաշտոնաթերթը ևս բանաստեղծի հորելյանին նվիրված հատուկ համարը հրատարակել է փետրվարի 20-ին¹⁴: Նոյն փետրվարի 20-ին է բացվել Հանրային գրադարանի և Պետական թանգարանի համատեղ հորելյանական ցուցահանդեսը՝ նվիրված բանաստեղծին: Այդ օրը Հանրային գրադարանի մանկական ընթերցասրահում Հովհաննելի մասին զեկուցում է կարդացել ճանաչված մանկավարժ Միմակ Սահակյանը¹⁵:

Այդուհանդերձ, նշյալ փաստը, մեղմ ասած, զարմանք է հարուցում: Բանն այն է, որ արդեն 1925 թ. հրատարակվել էր օրացույցի պատմության վերաբերյալ խորհրդային ճանաչված մաթեմատիկոս, աստղագետ Նատում Իդելսոնի աշխատությունը, որտեղ մանրամասն անդրադարձ էր կատարվել նաև Գրիգորյան տումարին, այդ թվում՝ պատմական տարբեր ժամանակափուլերի դեպքում հին ու նոր տումարների միջև գոյություն ունեցող օրերի տարբերություններին¹⁶:

Սակայն բոլոր դեպքերում չէ, որ իբրև Հովհաննելի մասին ծննդյան օր փետրվարի 20-ն է նշվել: Փաստերի համադրումից երևում է, որ 1920–1930-ականներին բանաստեղծի ժառանգներն ու կենսագրությանն անդրադարձողներն առավել հաճախ նրա ծննդյան օրը վկայակոչել են հին տումարով: Այսպես բանաստեղծի երկերի 1926 թ. հրատարակության անստորագիր առաջարանում նրա ծննդյան ամսաթիվը (առանց այդ մասին նշելու) գրված է հին տումարով՝ 1869 թ. փետրվարի 7¹⁷: Հովհաննելի ծննդյան 70-ամյակին (1939 թ.) նախորդող տարիներին (այդ թվում՝ մահվան 15-ամյա տարելիցի օրերին) նրան նվիրված հրապարակումներում ծննդյան ամսաթիվն առավել հաճախ գործածվում էր հին տումարով: Ասվածը վերաբերում է նաև բանաստեղծի դուստր Նվարդ Թումանյանի հրապարակումներին, այդ թվում՝ ճանաչված գրականագետ Արամ Ինձիկյանի հետ “Գրական թերթ”-ում հրատարակած համահեղինակային հոդվածին, ինչպես նաև հոր մանկությանն ու պատանեկությանը նվիրված աշխատության առաջին հրատարակությանը (1938 թ.)¹⁸: Բանաստեղծի ծննդյան ամսաթիվը նոր տումարով վկայակո-

¹³ ՀԱԱ, ֆ. 122, գ. 1, գ. 217, թ. 12, ֆ. 133, գ. 1, գ. 1484, թ. 2:

¹⁴ “Խորհրդային Հայաստան” (Երևան), 20. II. 1929:

¹⁵ ՀԱԱ, ֆ. 122, գ. 1, գ. 217, թ. 3, ֆ. 133, գ. 1, գ. 1484, թ. 4:

¹⁶ Հ. Ի. Ա դ ե լ ե ս օ հ. Իстория календаря. Л., 1925, с. 81.

¹⁷ Հովհաննելի ծննդյան երկերի ժողովածու, Երևան, 1926, էջ III:

¹⁸ “Հովհաննելի ծննդյան ամսաթիվ” (Երևան), 1935, № 3–4, էջ 4, “Խորհրդային Հայաստան”, 23. III. 1938, “Պրոլետար” (Թիֆլիս), 23. III. 1938, “Բանվոր” (Լենինական), 23. III. 1938, “Գրական թերթ” (Երևան), 20. III. 1938, Ն. Թումանյանի մանկությունը և պատանեկությունը. 1869–1883, Երևան, 1938, էջ 5: Գրքի երկրորդ (փոփոխություններով) հրատարակությունում ևս բանաստեղծի ծննդյան ամսաթիվը գրված է միայն հին

չելու դեպքում էլ “փետրվարի 20” էր գրվում, ինչպես նրա բանաստեղծությունների և պատմվածքների ոռուսերեն թարգմանության համար 1936 թ. փետրվարի 29-ին Ն. Թումանյանի պատրաստած հոր համառոտ կենսագրականում կամ Լենինականի “Բանվոր” թերթում հրատարակված բանաստեղծի անստորագիր կենսագրականում¹⁹: Փաստորեն, 1938 թ. դրությամբ “փետրվարի 19”-ը դեռևս չէր գործածվում:

Կարծում ենք, փետրվարի 19/20-ի “առեղծվածի” բացահայտման խնդրում վճռորոշ կարող է լինել բանաստեղծի դստեր՝ Ն. Թումանյանի ուսումնասիրություններին դիմելը, ով անզնահատելի ավանդ ունի հոր կենսագրության առաջին փուլի հետազոտման և հանրությանը ներկայացնելու գործում:

Ինչպես տեսանք, բանաստեղծի դուստրը հոր ծննդյան օրը նոր տոմարով նշելուց առավել հաճախ խուսափել է: Այս իրողությունը կարող է վկայել այն մասին, որ նա կարծիքներ ու հիմնավորումներ էր լսել (գուցե իր համար ոչ ամբողջովին համոզիչ), որ XIX դ. տեղի ունեցած իրադարձությունների դեպքում հին և նոր տոմարների տարբերությունը 12 օր է: Ուստի առավել նպատակահարմար է համարել հոր ծննդյան ամսաթիվը գրել հին տոմարով:

Արդեն Հովհ. Թումանյանի ծննդյան 70-ամյակի առթիվ հրատարակած կենսագրական գրքում (այն տպագրության է հանձնվել 1939 թ. ապրիլի 9-ին) Ն. Թումանյանն ուղղակի գրում էր. “Թումանյանը ծնվել է 1869 թ. փետրվարի 7-ին (նոր տոմարով՝ փետրվարի 19-ին) Լոռու Դսեղ գյուղում մի նահապետական ընտանիքում²⁰: Սա Հովհ. Թումանյանի ծննդյան օրը Գրիգորյան տոմարով փետրվարի 19-ը մատնանշող մեզ հայտնի ամենահին արձանագրումն է: Յավոք, չի հաջողվել պարզել, թե ով է տոմարական հաշվումներ կատարելու սկզբունքների մասին 1938–1939 թթ. ընթացքում փաստարկված մոտեցում ներկայացրել բանաստեղծի դստերը՝ փարատելու նրա հնարավոր կասկածները²¹:

տոմարով (տե՛ս Ն. Թումանյան. Հովհաննես Թումանյանի մանկությունը, Երևան, 1946, էջ 21):

¹⁹ О. Т у м а н я н. Избранные стихи и проза. Тифлис, 1937, с. 9; “Բանվոր”, 20. II. 1938:

²⁰ Ն. Թումանյան. Հովհաննես Թումանյան (ծննդյան 70-ամյակի առթիվ), Երևան, 1939, էջ 15: Գրքի 1955 և 1983 թթ. հրատարակություններում կրկին բանաստեղծի ծննդյան օր է նշվում 1869 թ. փետրվարի 19-ը (տե՛ս նույնի Հովհ. Թումանյան. մանկություն և պատանեկություն, Երևան, 1955, էջ 15, նույնի Թումանյանի մանկությունը, Երևան, 1983, էջ 10):

²¹ Կարելի է ենթադրել, որ այդ անձը կարող էր տոմարագետ Հայկ Բաղայանը լինել, ով այդ տարիներին օրացույցի պատմության ուսումնասիրությամբ էր գրադիվում: Մեկ տարի անց՝ 1940 թ., հրատարակված նրա ուսումնասիրությունում ըստ դարերի մատնանշված է հին և նոր տոմարների տարբերությունը (Հ. Ս. Բաղալյան. Օրացույցի պատմությունը, Երևան, 1940, էջ 46):

Փաստորեն, Ն. Թումանյանի նշյալ ուսումնասիրության լույս աշխարհ գալուց հետո արդեն մյուս հետազոտողները սկսեցին նոր տոմարով Հովհ. Թումանյանի ծննդյան օր ընդունել փետրվարի 19-ը: Ի դեպ, բանաստեղծի թոռնուի Իրմա Սաֆրագբելյանը (ծնված 1933 թ.) ևս հիշում է, որ մանկության տարիներին իրենց ընտանիքում պապիկի ծննդյան օրը նշում էին փետրվարի 19-ին²²: Այդուհանդերձ, ինչպես երևում է, նույնիսկ բանաստեղծի 70-ամյակի տոնական օրերին դեռևս “փետրվարի 19”-ը համընդհանուր տարածում և ընդունելություն չէր գտել. երբեմն կրկին հին տոմարով “փետրվարի 7” էին գրում²³:

Հովհ. Թումանյանին նվիրված հորելյանական հաջորդ իրադարձությունների ժամանակ (մասնավորապես՝ 75-ամյակի օրերին), ինչպես նաև նրան նվիրված ուսումնասիրություններում սկսեցին նոր տոմարով ծննդյան ամսաթիվ օգտագործել փետրվարի 19-ը²⁴: Իսկ բանաստեղծի 100-ամյակի տոնակատարությունների օրերին ոչ ոքի մտքով իսկ չէր անցնում դա կասկածի տակ առնել: Ավելին՝ նախկինում ավանդաբար հիշատակվող “նահապետական ընտանիք”-ի փոխարեն արդեն նշվում էր, որ Թումանյանը ծնվել է քահանայի ընտանիքում: Օրինակ՝ “Գրական թերթ”-ի համարներից մեկում կարդում ենք, որ Թումանյանը ծնվել է “1869 թվականի փետրվարի 19-ին, գյուղական քահանայի ընտանիքում”²⁵: Բանաստեղծի կենսագրության առաջին շրջանին նվիրված ուսումնասիրությունում Ա. Ինձիկյանը գրում էր. “1869 թ. փետրվարի 7-ին (ն. տ. 19-ին) ծնվել է Թումանյանը”²⁶:

Ն. Թումանյանի և Ա. Ինձիկյանի վերը հիշատակված աշխատությունները հաշորդ տասնամյակներում Ամենայն հայոց բանաստեղծի կենսագրությամբ հետաքրքրվող գրականագետների, պատմաբանների ու թումանյանասեր ընթերցող հանրության համար վստահելի աղբյուրներ են: Դրանով փետրվարի 19-ը համընդհանուր տարածում և ընդունելություն է գտել զիտական գրականությունում, հանրագիտարաններում ու դասագրքերում: Արդեն 2008 թ. Հայաստանի գրողների միության նախաձեռնությամբ հանրապետությունում այդ օրը նշվում է նաև իբրև զիրք նվիրելու օր:

²² Այս տեղեկությունը մեզ փոխանցել է թումանյանագետ Ս. Գ. Հովհաննիսյանը:

²³ “Ավանգարդ” (Երևան), 15. IV. 1939:

²⁴ Ն. Թումանյանը 1946 թ. Սոսկվայում տպագրված Հովհ. Թումանյանի ստեղծագործությունների նոր հրատարակության համար գրած կենսագրականում հոր ծննդյան ամսաթիվ է նշում 1869 թ. փետրվարի 7/19-ը (Օ. Տ ւ մ ա ն յ ա. Избранные произведения. М., 1946, с. 9):

²⁵ “Գրական թերթ”, 28. II. 1969:

²⁶ Ա. Ինձիկյան. Հովհաննես Թումանյան. կյանքի և ստեղծագործության պատմությունը, 1869–1899, Երևան, 1969, էջ 53:

Այսպիսով՝ 1918 թ. մայիսի 1-ից Անդրկովկասում նոր (Գրիգորյան) օրացույցին անցնելուց հետո սովորական սխալ հաշվարկներ կատարելու պատճառով շուրջ երկու տասնամյակ նոր սովորով չովի. Թումանյանի ծննդյան օր է համարվել 1869 թ. փետրվարի 20-ը, այլ ոչ թե՝ փետրվարի 19-ը: Այս պատճառով բանաստեղծի 50-ամյակն ու 60-ամյակը սովորով են համապատասխանաբար 1919 թ. և 1929 թ. փետրվարի 20-ին: Տումարական վերահաշվարկներից հետո չովի. Թումանյանի 70-ամյակի օրերին արդեն նոր սովորով նրա ծննդյան ամսաթիվ սկզբեց ընդունվել փետրվարի 19-ը, ինչն արտացոլվեց այդ ժամանակ (1939 թ.) բանաստեղծի դաստեր՝ Ն. Թումանյանի հրատարակած “Հովհաննես Թումանյան (ծննդյան 70-ամյակի առթիվ)” գրքում: Արդեն հաջորդ տասնամյակներում Ամենայն հայոց բանաստեղծի ծննդյան օրը սովորում է փետրվարի 19-ին:

Համո Սուրիասյան – պ. գ. թ., դոցենտ, ՀՀ ԳԱԱ պատմության ինստիտուտի ավագ գիտաշխատող: Գիտական հետաքրքրությունները՝ Հայաստանի առաջին Հանրապետության և Խորհրդային Հայաստանի պատմության խնդիրներ: Հեղինակ է 6 գրքի և շուրջ 80 գիտական հոդվածի: hamosukiasyan@gmail.com

REFERENCES

- A. Zakarjan.** O prazdновании 50-летия Ованеса Туманяна в Тифлисе, HPJ, 2019, № 1 (In Russian).
- A. Inc'ikyan.** Hovhannes T'umanyan. kyanqi yev' stegh'c'agorc'ut'yan patmut'yunə, 1869–1899, Ye'rev'an, 1969 (In Armenian).
- ,Avangardt (Ye'revan), 15. IV. 1939 (In Armenian).
- ,Banvorč (Leninakan), 20. II. 1938; 23. III. 1938 (In Armenian).
- ,Grakan t'ert'č (Ye'revan), 20. III. 1938; 28. II. 1969 (In Armenian).
- Hayastani azgayin arxiv. f. 53, c. 5, g. 3; f. 122, c. 1, g. 217; f. 133, c. 1, g. 1484; f. 203, c. 1, g. 28 (In Armenian).
- Haykakan sovetakan hanragitaran, h. 12, Ye'rev'an, 1986 (In Armenian).
- H. S. Badalyan.** Oracuyci patmut'yun, Ye'rev'an, 1940; Ye'rev'an, 1970 (In Armenian).
- <https://hy.wikipedia.org/wiki/%D4%B3%D6%80%D5%AB%D5%A3%D5%B8%D6%80%D5%B5%D5%A1%D5%B6%D6%85%D6%80%D5%A1%D6%81%D5%B8%D6%82%D5%B5%D6%81>
- ,Hoktemberikk (Ye'rev'an), 1935, N 3–4 (In Armenian).
- H. T'umanyan.** Ye'rkeri zh'ogh'ovac'u, Ye'rev'an, 1926 (In Armenian).
- ,Msh'akk (Tiflis), 15. IV. 1918; 21. II. 1919 (In Armenian).
- N. T'umanyan.** T'umanyani mankut'yunə yev' patanekutyunə. 1869–1883, Ye'rev'an, 1938 (In Armenian).
- N. T'umanyan.** Hovhannes T'umanyan (c'nndyan 70-amyaki ar'tiv), Ye'rev'an, 1939 (In Armenian).
- N. T'umanyan.** Hovhannes T'umanyani mankut'yunə, Ye'rev'an, 1946 (In Armenian).
- N. T'umanyan.** Hovh. T'umanyan. mankut'yun yev' patanekutyun, Ye'rev'an, 1955 (In Armenian).
- N. T'umanyan.** T'umanyani mankut'yunə, Ye'rev'an, 1983 (In Armenian).
- N. I. Idel'son.** Istorija kalendarja, Leningrad, 1925 (In Russian).
- O. Tumanjan.** Izbrannoje stixi I proza, M., 1937 (In Russian).

- O. Tumanjan. Izbrannije proizvedenija, M., 1946 (In Russian).
,Proletarč (T'iflis), 23. III. 1938 (In Armenian).
- S. I. Seleshnikov. Istoriya kalendarja i xronologija, M., 1977 (In Russian).
- V. Aharonyan. Hovhannes T'umanyan. Mardə yev' qagh'aqacin, Boston, 1936 (In Armenian).
,Xorhrdayin Hayastanč (Ye'rev'an), 20. II. 1929; 23. III. 1938 (In Armenian).
,Zakavkazskoje slovoč (Tiflis), 20. II. 1919 (In Russian).
Zakavkazskij sjejm. Stenograficheskij otchet' (sjessija pervaia, zasedanje dvadcat' pjatoe, 13-go aprelja),
Tiflis, 2019 (In Russian)
,Zhogh'ovrdi dz'aynč (T'iflis), 20. II. 1919 (In Armenian).

РАЗНИЦА МЕЖДУ СТАРЫМ И НОВЫМ КАЛЕНДАРЯМИ И
ВОПРОС О ДАТЕ РОЖДЕНИЯ ОВАНЕСА ТУМАНЯНА
В 1910–1930-Х ГОДАХ

АМО СУКИАСЯН

Р е з ю м е

Ключевые слова: Ованес Туманян, Нвард Туманян, Тифлис, Ереван, юбилей, Юлианский календарь, Григорианский календарь, поэт, биография.

После календарной реформы Папы Римского Григория XIII в 1582 году, когда действующий Юлианский календарь был заменен новым – Григорианским, католические страны Европы одна за другой начали использовать новый календарь. Некоторые страны отказались от Юлианского календаря только в XX веке. В этот период разница между двумя календарями вместо 10 дней составила 13 дней.

В Закавказье новый календарь начали использовать с 1 мая 1918 года. Однако из-за отсутствия специалистов четких календарных подсчетов в регионе не проводилось: иногда при упоминании событий XIX века вместо 12 прибавляли 13 дней. По этой причине день рождения великого армянского поэта Ованеса Туманяна (1869–1923) на протяжении двух десятилетий отмечался 20 февраля. После календарных пересчетов в дни 70-летия Ов. Туманяна уже по новому календарю как дату рождения поэта начали отмечать 19 февраля, что отразилось в книге Нвард Туманян, дочери поэта, “Ованес Туманян (к 70-летию поэта)”. С тех пор день рождения поэта отмечается 19 февраля.

Амо Сукиасян – к. и. н., доцент, старший научный сотрудник Института истории НАН РА. Научные интересы: проблемы истории Первой Республики Армения и Советской Армении. Автор 6 книг и около 80 научных статей. hamosukiasyan@gmail.com

THE DIFFERENCE BETWEEN OLD AND NEW CALENDARS AND
THE ISSUE OF THE DATE OF BIRTH OF HOVHANNES TUMANYAN
IN THE 1910–1930SS

HAMO SUKIASYAN

S u m m a r y

Key words: *Hovhannes Tumanyan, Nvard Tumanyan, Tiflis, Yerevan, anniversary, Julian calendar, Gregorian calendar, poet, biography.*

After the calendar reform of Pope Grigoris XIII in 1582, when the functioning Julian calendar was replaced by a new, Gregorian calendar, European Catholic states began to use the new calendar one after the other. Some states refused the Julian calendar only in the 20th century. During that period, the difference between the two calendars was 13 days instead of 10.

The new calendar in Transcaucasia was put into operation on May 1, 1918. However, due to the lack of specialists, accurate calendar calculations were not performed in the region; sometimes, while mentioning the events of the 19th century in the new calendar, 13 days instead of 12 were added. That is why for about two decades (1919–1938) the birthday of the Armenian poet Hovhannes Tumanyan (1869–1923) was celebrated on February 20. After recounting of the calendar in the days of Hovh. Tumanyan's 70th birth anniversary, the new date of his birth began to be accepted February 19, which was reflected at that time (1939) in the book "Hovhannes Tumanyan (on the occasion of his 70th birthday)", published by Nvard Tumanyan, the daughter of the poet. Already during the next decades, the poet's birthday was celebrated on February 19.

Hamo Sukiasyan – Candidate of Historical Sciences, Assistant Professor. Senior Researcher at the NAS RA Institute of History. Scientific interests: issues of the First and Soviet Republics of Armenia. Author of 6 books and over 80 scientific articles. hamosukiasyan@gmail.com